



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 46. Quid circa colorem paramentorum sit notandum.

urn:nbn:de:hbz:466:1-42624

erit illicitum. Videri potest *Henao* à n. 1784.

340. Q. 46. Quid circa colorem paramentorum sit notandum. & seqq. §. 1. Rubricam de coloribus esse tantum directivam nec inducere obligationem, præter citatos à *Busenb.* docent *Suar. Avers. Quarti* p. 1. tit. 18. dub. 1. Innuit tamen *Gob. t. 3. n. 382.* fore mortale, si in Paschate celebraretur in nigris: Color autem aureus sive croceus æquivalet omni colori, quia omnes ad illum concurrunt, *Quarti* dub. 2.

341. §. 2. In defectu adhiberi potest manipulus vel Stola diversi coloris & materiæ ab invicem & à casula, *Pasq. q. 807.* Addunt *Gob. & Sporer* n. 415. melius esse quocunque die celebrare in quocunque colore, quam non celebrare, potestque facillè velum alterius coloris adhiberi, si non adsit ejusdem.

342. §. 3. Color violaceus adhibetur in Adventu, quatuor temporibus, & vigiliis omnibus non excipiendis: Festo S. Marci & in Rogationibus. A Septuagesima & per Quadragesimam In Missis de Passione, tempore belli, pro pace, iter agentibus, infirmis, & pro aliis similibus necessitatibus (excepto pro electione Papæ, tum enim est ruber) Festo SS. Innocentium, si non incidat in Dominicam; octava autem, aut si incidat in Dominicam, habet rubrum.

Albus color adhibetur die Jovis sancto. A Sabbatho sancto inclusivè usque ad vigiliam Pentecostes. Vigiliâ Epiphaniæ & in Epiphania. Festis SS. Trinitatis, Christi, B. Virginis, Angelorum, omnium Sanctorum, Sanctorum non Martyrum, Conversionis S. Pauli, S. Petri ad vincula & utriusque Cathedræ, stigmatum S.

Fran-

Francisci, SS. Joannis Evangelistæ & Baptistæ, omnibus dedicationibus, pro sponsis.

Ruber, Vigiliâ Pentecostes, per Pentecosten, quatuor temporibus post Pentecosten: De Spiritu sancto, De Cruce, De Apostolis, De Martyribus; in Decollatione S. Joannis Baptistæ, Festo S. Joannis Evangelistæ ad portam latinam: In commemoratione S. Pauli.

Viridis, ab octava Epiphaniæ ad Septuagesimam exclusivè. Ab octava Pentecostes ad Adventum exclusivè.

Niger, in Commemoratione omnium fidelium: Die Veneris sancto; pro defunctis semper.

§. 4. Color festi servatur per octavam, quando fit de octava; & in Dominicis occurrentibus infra octavas, quamvis officium & Missa fit de Dominica. Excipe, si dominicæ infra octavam occurrentis color esset violaceus, tum enim adhibetur violaceus. 343.

§. 5. Quando infra octavas licebat facere de festo ad libitum, ad summum sumebatur casula & velum convenientia huic festo, reliqua habebant colorem Octavæ, uti notant *Guyetus* & *Gobat* in experientiis tract. 5. num. 650. Litterâ X. *Dixi*, quando licebat, nam nunc prohibitum est, non quidem per Decretum 24. Januarii 1682. datum, quod retuli lib. 4. num. 1269.; illud enim tantum loquitur de diebus octavis, non antem de diebus infra octavas, sed per aliud Decretum datum postea 19. Januarii 1693., quod referam n. 2055., & est Decretum ibi 220. 344.

Q. 47. Quid addendum sit circa Calicem, 345.

pa-